

॥ पंडिअधणवालकहा ॥

नेमि-विज्ञान-ग्रन्थरत्न ४

“ नमोऽस्तु नं समणस्स भगवओ महावीरस्स ”

सिरिरुद्रपल्लीयसंघतिलयायरिअविरइआ सम्मत्तसत्तरिवित्तीओ उद्धिआ वयणसुद्धिउवरि

॥ पंडिअधणवालकहा ॥

संपायगो—

वीसविकखाय-सवरसमयपारावारपारीण-सूरिचकचकवट्टि-जगगुरु-तित्थोद्वारग-जइणायरिअ-सिरिवियय-
णेमिसूरीसरपट्टालंकार-परमपुज्ज-सासणप्पहावग-समयण्णु-संतमुत्ति-आइरिअसिरिविययविन्नाणसूरीस-
विणेयपाइअसाहिच्चगुरु-सिद्धंतमहोदहि-उवज्झायकत्थूरविजयगणिणो अंतेवासी मुणिजसभइवियओ ।

पगासगो—सूरिअपुरीयवड्डुचच्चरसिरिसंघो ।

मुद्दगो—मोहणलाल मगणलाल बदामी, धी “ जइणाणंद ” मुद्दणालओ दरिया महेल-सूरियपुर ।

वीर सं. २४६७

मुल्लं अमुल्लं ।

वि. सं. १९९७

કિંચિદ્ વક્તવ્ય

જૈન જગત્ અને સાહિત્યની અપૂર્વ સેવા કરનારા અને શ્રીયાકિની મહત્તરના ધર્મસૂત્ર તરીકે સુપ્રસિદ્ધ જૈનાચાર્ય શ્રીમાન્ હરિભદ્ર સૂરીશ્વરજીએ અનેક ગ્રન્થો પ્રાકૃત અને સંસ્કૃતમાં રચ્યાં છે. તે ગ્રન્થોમાંનો એક ગ્રન્થ તે સ્મૃત્ત-સત્તિ છે. એને સામાન્ય જનતા સમ્યક્ત્વસપ્તતિ તરીકે ઓળખે છે. સૂરિજીએ આ ગ્રન્થ વીતરાગ ધર્મનાં મૂળને પોષનાર, દેશવિરતિ ધર્મને વિકસ્વર કરનાર, અને છેવટે અક્ષયપદ અપાવનાર સમ્યક્ત્વને ઉદ્દેશીને સિત્તર (૭૦) શ્લોકપ્રમાણ પ્રાકૃતમાં રચ્યો છે. એના ઉપર, ‘રુદ્રપદ્મીય’ ગચ્છના શ્રીગુણશેખરસૂરિજીના શિષ્ય શ્રીસંઘતિલકસૂરિજીએ વિક્રમ સંવત ૧૪૨૨ માં સારસ્વતપત્તનમાં ૭૭૧૧ શ્લોક જેટલી ટીકા રચી છે. એ ટીકામાં સૂરિજીએ પ્રાકૃતમાં આપેલી વીસ (૨૦) કથાઓની નામવાર નોંધ આરામશોભા કથાના કિંચિદ્ વક્તવ્યમાં મેં આપેલી છે.

આ કથાઓમાં ધનપાલપંડિતકથા વચનશુદ્ધિ ઉપર છે. પરમાર્જુન કવીશ્વર ધનપાલનું નામ જગન્નાદેર છે. કવીશ્વરે આ મુજબ કૃતિઓ રચી છે. (૧) પાર્થલચ્છીનામમાળા (પ્રાકૃત). (૨) તિલકમંજરી (સંસ્કૃત). (૩) સાવયવિહિપયરણ (પ્રા૦). (૪) શ્રીશોભન-સ્તુતિની વૃત્તિ (સં૦). (૫) શ્રીવીરસ્તુતિ (પ્રા૦). (૬) ઋષભપંચાશિકા (પ્રા૦). (૭) સત્યપુરીય મહાવીર ઉત્સાહ (અપભ્રંશ). (૮) વીરસ્તુતિ (સં૦ પ્રા૦). આ સિવાય તેમણે સંસ્કૃતમાં નામમાળા રચ્યાનો મનાય છે. આથી મને એમ લાગ્યું કે આ કથા સ્વતંત્ર રીતે બહાર પડે તો સમાજ વિશેષ લાભ ઉઠાવી શકે. મારા આ વિચારને, પરમપૂજ્ય-પ્રાતઃસ્મરણીય-શાસનપ્રભાવક-સમયજ્ઞ-શાંતમૂર્તિ-આરાધ્યપાદ-આચાર્યદેવ શ્રીમદ્ વિજયવિજ્ઞાનસૂરીશ્વરજી મહારાજ સાહેબની તેમજ પ્રાકૃત-સાહિત્યવાચસ્પતિ-સિદ્ધાંતમહોદધિ-પ્રાકૃતરૂપમાલા તથા પ્રાકૃતવિજ્ઞાનપાઠમાલા ગ્રન્થના કર્તા-પૂજ્ય ગુરુદેવ મહામહોપાધ્યાય

કસ્તૂરવિજયજી ગણિવર્યની અનુમતિ મળી. વળી સુશ્રાવક પ્રોફેસર હીરાલાલ રશ્મિકદાસ કાપડિયા M. A. તેમજ શ્રીયુત ચીમનલાલ ચંદુલાલ ત્રિવેદી M. A. ની પ્રેરણાથી એને પુણી મળી. તેથી આ કથાનું સંપાદન શરૂ કરાયું.

ધનપાલપંડિતની કથાનો સંક્ષિપ્ત સાર

ઉજ્જયિની નગરી, રાજા ભોજ, સોમચંદ્ર બ્રાહ્મણ, એની પત્ની સોમશ્રી અને એના બે પુત્રો નામે ધનપાલ તથા શોભન, વાણારસી વાસી શ્રીધર અને શ્રીપતિ, એ બે ભાઈઓનું સોમનાથ મહાદેવની યાત્રાર્થે પ્રયાણ, એ બન્નેનું વર્ધમાનપુરમાં આગમન, મહાદેવનું પ્રત્યક્ષ થવું, મહાદેવ પાસે શિવસુખની યાચના, મહાદેવનીના, મહાદેવના કહેવાથી તેમનું શ્રીવર્ધમાનસૂરિજી પાસે આગમન, સૂરિજી પાસે તેમની દીક્ષા, જિનેશ્વર અને બુદ્ધિસાગર તરીકે તેમનું નામકરણ, બન્નેને સૂરિપદ, બે સૂરિઓનું અણહિલ પાટણમાં આગમન, તેમનું વેદ વ્યાખ્યાન અને પુરોહિતના મકાનમાં ઉતરવું, ચૈત્યવાસીઓની ધમાલ, દુર્લભરાજનું ચૈત્યવાસીઓને ફરમાન, સુવિહિત સાધુઓનો પાટણમાં વિહાર, શ્રીજિનેશ્વરસૂરિનું ઉજ્જયિનીમાં આગમન, સોમચંદ્રને નિધાનની પ્રાપ્તિ, શોભનની દીક્ષા, ધનપાલપંડિતની ધમાલ, માળવામાં મુનિઓનો વિહારબંધ, શોભનમુનિ સહિત સૂરિજીનું ધારા નગરીમાં આગમન, ધનપાલે કરેલી મુનિની મશ્કરી અને તેનો શોભનમુનિએ આપેલો જવાબ, એમનું ધનપાલને ઘેર ગોચરી માટે ગમન, સૂરિજીએ ધનપાલને ત્રણ દિવસના દહિમાં જીવ બતાવવા અને જૈનધર્મનો રહસ્ય સમજાવવું, સમ્યક્ત્વ મૂળ બાર વ્રતનો ધનપાલે કરેલ અંગીકાર, ધનપાલે આપેલ જીવહયાનો ભોજ રાજાને સચોટ ઉપદેશ, ભોજનો દ્વારમાંથી નીકડવાનો પ્રશ્ન અને ધનપાલનો અજબ ઉત્તર, ધનપાલે બનાવેલી ઋષભપંચાશિકા, જિનેશ્વર વિના અન્યદેવને નહિ નમવાની ધનપાલની મઠ્ઠમતા, ધનપાલને અંધ કરવાનો ભોજનો વિચાર, ધનપાલનું હોંશિયારીથી ભોજને પ્રસન્ન કરવું, ધનપાલે બનાવેલી ભરતચક્રવર્તીની કથા, ભોજ

કરેલી પોતાના માટે એ કથાની માગણી, ધનપાલનો જડખાતોડ જવાળ, લોજે બાડી નાખેલી એ કથા, ધનપાલનું પોતાની તિલક મંજરી પુત્રીના મુખથી એ કથાનું સાંભળવું અને લખાવવી, તેથી તિલકમંજરી કથા તરીકે એ કથાની ખ્યાતિ, ધનપાલનું સચોરમાં જવું, લોજની સભામાં વાદીનું આગમન, લોજ રાજ્યે બંતે ધનપાલને મનાવીને રાજધાનીમાં લાવવો, ધનપાલનું નામ સાંભળી વાદીનું નાશી જવું, ધનપાલનું સ્વર્ગગમન.

આ કથાને અંગે હસ્ત લિખિત પ્રતિઓ મેળવી વિશિષ્ટ સંપાદન કાર્ય હાલ તુરંત બની શકે તેમ નહિ હોવાથી શ્રેષ્ઠ દેવચંદ લાલભાઈ જૈન પુસ્તકોદ્ધાર સંસ્થા તરફથી પ્રસિદ્ધ થયેલ શ્રીસમ્યક્ત્વસત્તતિ (સટીક)માંથી ઉદ્ધૃત કરી અને એજ પ્રતિની સાથે મેળવીને છપાવવામાં આવી છે. અને કઠણ પ્રાકૃત શબ્દોના સંસ્કૃત અર્થ ટિપ્પણ રૂપે મેં આપ્યા છે.

આ ગ્રંથને નેમિ-વિજ્ઞાન ગ્રંથરત્ન ૪ તરીકે પ્રસિદ્ધ કરાય છે, કેમકે આ પૂર્વે પ્રાકૃતવિજ્ઞાનપાઠમાળા ગ્રંથરત્ન ૧ તરીકે, શ્રી સ્તંભનપાર્શ્વનાથ માહાત્મ્ય તથા જનગુણરત્નવનમાળા ગ્રંથરત્ન ૨ તરીકે અને આરામશોભા કથા ગ્રંથરત્ન ૩ તરીકે પ્રસિદ્ધ થયેલ છે. તેમજ ગ્રંથરત્ન ૫ તરીકે કરુણરસકદમ્બક નામે ગ્રંથ પ્રસિદ્ધ થયે.

આ મનોહર કૃતિનાં પ્રકાશનાથે સુરતમાંના વડાચૌદાના કેટલાક ધર્મપ્રેમી શ્રાવકોએ આર્થિક સહાયતા આપી છે, તે બદલ તેમને ધન્યવાદ ઘટે છે. આ કથા શુદ્ધ છપાવવામાં બનતી કાળજી રખાઈ છે, છતાં પણ દૃષ્ટિદોષથી અથવા મુદ્રણદોષથી રહેલ ભૂલચૂકને વાચક મહાશયો સુધારીને વાંચે અને સાર ગ્રહણ કરે, એજ ઇચ્છાપૂર્વક અંતે વિરમું છું.

વી. સં. ૨૪૬૭—

માગશર શુદ્ધી પુનમ

— ‘સુનિ યશોભદ્રવિજય’

શેઠ નેમુભાઈની વાડી, ગોપીપુરા-સુરત.

। नमो सिरिकल्लाणपासनाहस्स ।
। नमो सिरिविजयनेमि-विन्नाणसूरीसाणं ।
सम्मत्तदंसणे वयणसुद्धीए

॥ पंडिअधणवालकहा ॥

मालवमण्डलविलयाविसालभाउयलतिलयसरिसत्थि । उज्जेणी वरनयरी, सुरवरनयरीव्व सारसिरी	॥ १ ॥
जीइ जिणभवणउत्तुंगचंगसिगगलग्गउडुनिवहा । फलिहमणिकलसलीलं, कलयंति निसाइ सयकालं	॥ २ ॥
तत्थ समत्थिमविब्भमपम(मि)लियवलिरायजायजसपसरो । सिरिभोयरायराया, पुरिसुत्तमसत्तमो हुत्था	॥ ३ ॥
नूणं सरस्सईए, तहा सिरीएवि उत्तमो नाउं । जो गयवयराहि कओ, अहियारी निययवावारे	॥ ४ ॥
तस्सासि वेयवेई, लक्कम्मपरो परोवयारकई । विउससहपत्तलीहो, दीहगुणो सोमचंददिओ	॥ ५ ॥
सोमसिरी से भज्जा, निरवज्जा वज्जिभज्जसमरूवा । जुण्हुव्व जीइ वयणं, आणंदइ तिहुयणं सयलं	॥ ६ ॥

१ ज्योत्सनेव ।

पंडिअधण-
वालकहा ।
॥ २ ॥

तकुच्छिसरसिहंसीवंसवयंसा गुणाण आवासा । दो तणया बुहपणया, संजाया जायरूवपहा	॥ ७ ॥
पढमो सिरिधणपालो, बालुव्व विभाइ जस्स मइपुरओ । विंदारयवरसचिवुत्तमोऽवि स बुहप्पई नूणं	॥ ८ ॥
वीओ सोहणनामा, जस्स कवित्तं विचित्तयं सुणिउं । केहि न विम्भियहियएहिँ पंडिएहिँ सिरं धुणियं	॥ ९ ॥
बहुपरियणपरियरिया, अखंडपंडिच्चदप्पदुप्पिच्छा सिरिभोयरायरायंगणस्स मुहमंडणं जाया	॥ १० ॥
अह मज्झदेसपरिभूसणाइ वाणारसीइ नयरीए । गोयमगुत्ता पुत्ता, दियस्स दो कण्हगुत्तस्स	॥ ११ ॥
पढमो सिरिहरनामो, अट्टारसविज्जठाणपारीणो । वीओऽवि अबीयगुणो, सिरिवइनामा सिरिवइव्व	॥ १२ ॥
दोवि हु सहोयरा ते, निउणा बम्भन्नएसु कम्मेसु । नयणुव्व परमपिम्माणुबंधसंबंधवंधुरया	॥ १३ ॥
सुरसरिसलिलंमि सया, ण्हाणं काऊण विगयदेहमला । पूयंति बहुपयारं, विस्सेसरदेवपयकमलं	॥ १४ ॥
अह अन्नया कयाई, ताणं सोमेसदेवजत्ताए । अहिलासो संजाओ, जाइजरामरणहरणकए	॥ १५ ॥
फोडेऊणं खंधे, तत्थ य पज्जलिरदीवए ठविउं । सिरिसोमनाहजत्तं, काउं दो भायरो चलिया	॥ १६ ॥
कालकमेण दुल्लङ्घयंपि उल्लंघिऊण बहुमगं । सिरिवइमाणनयरं, पत्ता गुज्जरधरावलयं	॥ १७ ॥
सोमेसरस्स दंसणसमूसुया जाव तत्थ रयणीए । चिट्ठंति हिट्ठहियया, दीवयपीडं अगणयंता	॥ १८ ॥
ता मज्झरत्तिसमए, एगं पुरिसं जडाकडप्पिल्लं । भसमुद्धूलियकायं, गलकंदलठवियभिरमालं	॥ १९ ॥

१ बुहस्पतिः । २ जटाकलापिनम् ।

पंडिअधण-
वालकहा ।

॥ ३ ॥

भालयले चन्दकलं, कलयन्तं लोयणं च जलिरगं । वासुगिकंठयसुत्तं, गोरीसोहिच्छअदुंगं ॥२०॥
खट्ठंगसलपाणिं, उन्नयवरवसहवाहणारूढं । तणुकंतिधवलियदिसं, पुरओ पिच्छंति ते दोऽवि ॥२१॥ (कुलयं)
आगारचिद्धिण्हिं, हिद्धमणा मुणिय तं महादेवं । भूमितलमिलियभाला, पणमंति थुणंति विप्पसुया ॥२२॥
अह साणंदो वज्जरइ, संकरो वच्छया ! अहं तुडो । तुम्हाणं पुण जत्ता, इहेव सहलीकया होउ ॥२३॥
जं संसारियलाहं, मणंमि संकप्पिऊण इह पत्ता । तं भणह जेण सुरवरतरुच्च वियरेमि अहिलसियं ॥२४॥
तो ते जोडियहत्था, भणंति सामिय ! न अम्ह इत्थत्थे । अहिलासो किं पुण देहि झत्ति पसिऊण सिववासं ॥२५॥
साहइ सिवोऽवि वच्छा !, इत्थत्थे नत्थि अम्ह सामत्थं । जं दुग्गओ परस्स य, ईसरियं दाउमसमत्थो ॥२६॥
जइ तुम्हाणं एसा, इच्छा तो इत्थ अत्थि पुरमज्जे । सिरिवद्धमाणजिणवरसासणमंडणसिरोरयणं ॥२७॥
सिरिवद्धमाणसूरी, दूरीकयसयलपावदब्भरो । धरणिंदपणयचरणो, चरणायरणंमि चउरमई ॥२८॥ (जुयलं)
संपइ सिवजिणसासणमज्झंमि न इत्थ एरिसो पुरिसो । जह तारतारएसुं, नहंतरे भासुरो सूरो ॥२९॥
जइ महह सिवपुरसिरिं, हणिउं मणविब्भमं कुणह सययं । सूरिस्स तस्स वयणं, इय भणिय सिवो तिरोहूओ ॥३०॥
जाए पभायसमए, सहोयरा दोऽवि चड्डमाणपुरे । पविसिय पुच्छिय पोसहसालं सूरीण संपत्ता ॥३१॥
तत्थ-तवचरणसोसियतणूहिं सज्झायझाणनिरएहिं । मुणिवरगणेहिं विहिणा, सेवियपयजुयलसरसिरुहो ॥३२॥

१ ज्वलदग्रम् । २ काङ्क्षत ।

॥ ३ ॥

सिहासणोवविटो, दिटो हिट्टेहिं विगयकट्टेहिं । सुरुव तिव्वतेओ, गणहारि वट्टमाणगुरु	॥३३॥ (जुयलं)
हरिसभरपुलइयंगा, खंधा उम्मूलिऊण दीवीओ । ते विहसियनयणजुया, पणमंति गुरुण पयकमलं	॥३४॥
साहंति सूरिसेहर !, तुह दंसणसहसकिरणउग्गमओ । चिरपरिचियमम्हाणं, महातमं ज्ञत्ति परिगलियं	॥३५॥
ता पसिय भवणवओ, दुग्गहकुग्गाहनिवहदुग्गाओ । नियदिक्खपोयमारोविऊण अम्हे नयह पारं	॥३६॥
सूरीवि भणइ वच्छा ! पच्छा गिण्हेसु अम्ह पवजं । पढं जिणमयतत्तं, वीमंसह हिययमज्झम्मि	॥३७॥
जह जह सुणंति ते दोऽवि जिणमयं तेसिं तह तह खिप्पं (क्खिप्पं) । पलयं गच्छइ विजाठाणरूई पावठाणुव्व	॥३८॥
सिद्धंतामयपाणेण, मिच्छत्तविसेसमंतओ तेसिं । नट्टे गुरुण पासे, पव्वजं दोवि गिण्हंति	॥३९॥
दिन्नं गुरुहिं नामं, पढमस्स जिणेसरुत्ति विक्खायं । वीयस्स बुद्धिसायर, इय नामं बुहजणप्पयडं	॥४०॥
संगहियदुविहसिक्खा, दिक्खदिणाओ अभिग्गहसविक्खा । निस्सेसागमसायरपारगया दोऽवि ते जाया	॥४१॥
छत्तीसगुणसमिद्धे, गीयत्थे जाणिऊण ते दोऽवि । सूरिपए संठविया, गुरुहिं दिणयरमयंकुव्व	॥४२॥
जिणिसरसूरी तह बुद्धिसायरो गणहरो दुवे कइया । सिरिवट्टमाणसूरीहिं एवमेए समाइट्ठा	॥४३॥
वच्छा ! गच्छइ अणहिल्लपट्टणे संपयं जओ तत्थ । सुविहियजइप्पवेसं, चेइयमुणिणो निवारंति	॥४४॥
सत्तीए बुद्धीए, सुविहियसाहूण तत्थ य पवेसो । कायव्वो तुम्ह समो, अन्नो नहु अत्थि कोऽवि विऊ	॥४५॥

सीसे धरिऊण गुरूणमेयमाणं कमेण ते पत्ता । गुज्जरधरावयंसं, अणहिल्लमिहाणयं नयरं	॥४६॥
गीयत्थमुणिसमेया, भमिया पइमंदिरं वसहिहेउं । सा तत्थ नेव पत्ता, गुरूण तो सुमरियं वयणं	॥४७॥
तत्थ य दुल्लहराओ, राया रायव्व सव्वकलकलिओ । तस्स पुरोहियसारो, सोमेसरनामओ आसि	॥४८॥
तस्स घरे ते पत्ता, सोऽविहु तणयाण वेयअज्झयणं । कारेमाणो दिट्ठो, सिट्ठो सूरिप्पहाणेहिं	॥४९॥
सुणु वक्खाणं वेयस्स, एरिसं सारणीए परिसुद्धं । सोऽवि सुणंतो उप्फुल्लोयणो विम्भिओ जाओ	॥५०॥
किं बम्हा रूवजुयं, काऊणं अत्तणो इह उइन्नो । इय चिंतंतो विप्पो, पयपउमं-वंदई तेसिं	॥५१॥
सिवसासणस्स जिणसासणस्स सारक्खरं गहेऊणं । इय आसीसा दिन्ना, सूरिहिं सकज्जसिद्धिकए	॥५२॥
अपाणिपादो ह्यमनो ग्रहीता, पश्यत्यचक्षुः स शृणोत्यकर्णः । स वेत्ति विश्वं न हि तस्य वेत्ता, शिवो ह्यरूपी स जिनोऽबतादः ॥५३॥	
तो विप्पो ते जंपइ, चिट्ठइ गुट्ठी तुमेहि सह होइ ! तुम्ह पसाया वेयत्थपारगा हुंति दुसुया मे	॥५४॥
ठाणाभावा अम्हे चिट्ठामो कत्थ इत्थ तुह नयरं ? । चेइयवासियमुणिणो, न दिंति सुविहियजणे वसिउं	॥५५॥
तेणवि सचंदसालाउवरिं ठावित्तु सुद्धअसणेणं । पडिलाहिय मज्झण्हे, परिकिखया सव्वसत्थेसुं	॥५६॥
तत्तो चेइयवासिसुहडा तत्थागया भणन्ति इमं । नीसरह नयरमज्झा, चेइयबज्झो न इह ठाइ	॥५७॥
इय वुत्तंतं सोउं, रण्णो पुरओ पुरोहिओ भणइ । रायावि सयलचेइयवासीणं साहए पुरओ	॥५८॥

पंडिअधण
वालकहा ।
॥ ६ ॥

जइ कोऽवि गुणट्ठाणं, इमाण पुरओ विरूवयं भणिही । तं नियरजाओ फुडं, नासेमी सकिमिभसणुव्व ॥५९॥
रण्णो आएसेणं, वमहिं लहिउं ठिया चउम्मासिं । ततो सुविहियमुणिणो, विहरंति जहिच्छियं तत्थ ॥६०॥
ततो जिणसरसूरी विहरंतो मालवमि देसंमि । उज्जेणिपुरिं नियपयपंकयपंतीहिं भूसेइ ॥६१॥
तत्थन्नदिणे सिरिसोमचंदनामेण भूमिदेवेण । परमा पीई जाया, मायारहियाण सूरीण ॥६२॥
रिउजजुसामअथव्वणपमुहाणं सयलविज्जठाणाणं । विसमपयत्थवियारं, मुणिउं विप्पो धुणइ सीसं ॥६३॥
अइसंवासवसेणं, नैहमंसुवमा परुप्परं तेसिं । मित्ती परमं बुड्ढिं, पत्ता अवरणहत्तायव्व ॥६४॥
यतः—प्रारम्भगुर्वी क्षयिणी क्रमेण, तन्वी पुरा वृद्धिमती च पश्चात् । दिनस्य पूर्वार्द्धपरार्द्धभिन्नाच्छायेव मैत्री खलसज्जनानाम् ॥६५॥
अह सोमचंदमाहणवरेण नेहाउ पुच्छिओ सूरी । तुम्हाणं चूडामणिजोइससत्थेसु अत्थि समो ? ॥६६॥
गुरुभिर्भणितम्—तिजयपसिद्धं सिद्धंतवयणअणुवायसंनिहं अत्थि ।
सोमचन्द्रेणाप्युक्तम्—ता कहसु पसिय वीमंसिउण पणहुत्तरं मज्झ ॥६७॥
चुजं हिमधवलेहिवि, तस्स गुणोहेहि रञ्जियमणेहिं । भणिओ गुरुहिं बंधव !, पुच्छसु जं पुच्छणिजं ते ॥६८॥
आणंदनिव्वभरंगो, पुच्छइ तो दियवरो गुरुं नमिउं । मह पुव्वपुरिमनिहियं, महानिहाणं रयणभरियं ॥६९॥
तट्ठाणं तु न जाणे, ता भणसु करित्तु तं पुणहंदं । गिणिहस्सामो सव्वाभावे कजं दलेणावि ॥७०॥

१ सहस्रमितारमेय इव । २ ऋग्यजु.सामाथर्वप्रमुखाणाम् । ३ नखमांसोपमा । ४ अर्धमर्धम् ।

॥ ६ ॥

यतः—सर्वनाशे समुत्पन्ने, ह्यर्द्धं त्यजति पण्डितः । अर्द्धेन कुरुते कार्यं, सर्वनाशो हि दुस्त्यजः ॥७१॥
 स्ररीवि किंपि अत्थं, मणंमि परिभाविऊण तव्वयणं । पडिवज्जइ गुरुयाणं, को जाणइ हिययसम्भावं ? ॥७२॥
 अह स्ररीहिं सम्मं, सुयनाणेणं खणेण नाऊणं । ठाणं माणं दविणं, निहिणो कहियं पुरो तस्स ॥७३॥
 मन्नंतेण दिण्णं, तव्वयणं वेयवयणमिव सच्चं । तक्खणमेव खणाविय, खोणिं पयडीकओ स निही ॥७४॥
 तं पासिऊण गंतूण मुणिवइं पणमिउं च स भणेइ । आगच्छह सच्छमणा, गिण्हह अद्धं निहाणस्स ॥७५॥
 अह वागरइ गुरुविहु, किं कुणिमो सोमचंड ! दविणेणं ? । अम्हेहि पुरा गेहे, तं चइऊणं वयं गहियं ॥७६॥
 अन्नं च—गयरागदोसमोहेहिं, भासियं अम्ह जिणवरिंदेहिं । परिहरियच्चो अत्थो, अणत्थसत्थस्स वित्थारो ॥७७॥
 भणियं च—दोसमयमूलजालं, पुव्वरिसिविवज्जियं जई वंतं । अत्थं वहसि अणत्थं, कीस निरत्थं तवं चरसि ? ॥७८॥
 तं सुणिय स्ररिवयणं, धणद्धगहणे परम्महं स दिओ । झूरइ हा मह वाया, जीवंतस्मवि मया जाया ॥७९॥
 भणियं च—तित्थियमित्तं जंपह, जित्थियमित्तस्स होइ निव्वाहो । वायामुयणे नासइ, जीवं(वो)ता मा मुया होह ॥८०॥
 अंसुजलाविलनयणो, पुणो पुणो मुणिवरिंदपयपउमे । विगिवेमियनियसीसो, दीणो करुणस्सरं भणइ ॥८१॥
 नो मन्नइ तव्वयणं, निरीहचूडामणी मुणिंदोवि । तो पुण पुणवि रुवंतं, तं पइ जंपइ पुणोवि गुरु ॥८२॥
 जइ एवं निव्वंधो, वयंस ! तुह इत्थ अत्थि अत्थंमि । ता निमणेसु रहस्सं, न धणं कहन्नवि गहिस्सामि ॥८३॥

पंडिअधण-
वालकहा ।
॥ ८ ॥

जं तइया अद्दगहो, वयणल्लेणं मयावि पडिवन्नो । तस्सेसो परमत्थो, स कयत्थो कीरउ जहिच्छं ॥८४॥
दोतणयाणं मज्झे, एगं सच्चस्सअद्वयसरूवं । अम्हाणं देसु तओ, तुम्ह पइन्ना हवउ पुण्णा ॥८५॥
अइदुकरंपि वयणं, मणंमि ठविऊण मुणिवराणं तं । तो निहिधणं समग्गं, पुत्ताणं अप्पए स दिओ ॥८६॥
सूरीणं तं वयणं, मणंमि अणमिव सयाविहु वहंतो । सो पुत्ताणं पुरओ, कहिउंपि न सकए विप्पो ॥८७॥
पुत्तावि विज्जवलिया, सययं रायप्पसायपरिकलिया । सिवमग्गतत्तनडिया, पडिया मिच्छत्तपंकम्मि ॥८८॥
अह सोमचंदविप्पो, तं सपइन्नं मणंमि सुमरंतो । रोगेहिं पीडियतणू, चरमअवत्थाइ संपत्तो ॥८९॥
तम्मि समयंमि तणया, पणया पभणंति ताय ! उज्जमसु । रिणमुक्खवेणुभूमीकणयाइपयाणकम्मेसुं ॥९०॥
अट्ट महादाणाइं, दाऊणं पूइऊण देवगणं । जीवियअंतंमि ठिओ, ^१सूरिरिणं तं स सुमरेइ ॥९१॥
भणियं च-अचला चलंति पलए, मज्जायं सायरावि लङ्कंति । गरुआ तहिंपि काले, पडिवन्नं नेव सिढिलन्ति ॥९२॥
किंपि कहणुज्जयं तं, तणया नाऊण तस्स सब्भावं । पभणसु नियकरणिज्जं, जं किंपि वि अत्थि तुम्ह मणे ॥९३॥
अवलंविद्य धीरत्तं, सगग्गएणं सुरेण सोमदिओ । एगं मह अत्थि अणं, जइ देह कहिंपि ता भणिमो ॥९४॥
तो ते भगंति तणया, पसिऊण कहेसु जं तयं कुणिमो । दो कण्णमंततत्तं, परमिद्धीविहु न याणेइ ॥९५॥
सो आह सुणह वच्छा !, जिणेसरो सूरी अत्थि मह भित्तो । तेण सह मइ पइन्ना, निहिलाभत्थे क्रया एवं ॥९६॥

१ ऋणमिव । २ सूरि-ऋणम्

पंडिअधण-
चालकहा ।
॥ ९ ॥

अद्धप्पयागवयणच्छलेण छलिओऽग्निं तेहि स्वरिहिं । दितस्सवि तस्सद्वं, गिण्हंति न ते निरीहमणा ॥९७॥
तो तेहिं भणिओऽहं, जइ अद्वं देसि तो सुयजुयाओ । इकं वियरसु तणयं, अन्नह विहवेण पञ्चत्तं ॥९८॥
इय तेसिं रिणं वच्चा !, अज्जवि सल्लुव्व सल्लुए हियए । इण्हिं कहियं पुरओ, तुम्हाणं कुणसु जह जुत्तं ॥९९॥
इय सुणवि दुवे तणया, तव्वयणं जोडिऊण करकमले । पभणंति ताय ! देमो, तुम्ह रिणं कुणह मा खेयं ॥१००॥
तो सोमदेवविप्पो, तणयंगीकारवयणसमसमयं । पाणेहि परिच्चत्तो, पत्तो परलोयमग्गम्मि ॥१०१॥
धणपालसोहणेहिं, कुडुवसहिएहिं सोगविवसेहिं । उत्तरकिरिया सयला, विहिया तायस्स परभविया ॥१०२॥
तत्तो दुहसंतत्ता, परुप्परं भाउणो पयंपंति । अहह महाधुत्तेहिं, सियंभरेहिं कहं छलिया ? ॥१०३॥
इय कारणाउ भणियं, जं तेसिं चेइएसु य मढेतुं । पीडिजंतोऽविहु १ मयगलेहिं न कहिंपि पविसिज्जा ॥१०४॥
अह लहुभायं जंपइ, धणपालो वच्छ ! कुणसु धरकजं । अहयं पिउरिणसोहणहेउं स्वरिं पवजेमि ॥१०५॥
अह सोहणो पयंपइ, मए न निव्वहइ भाय ! धरभासे । तो गंतूणं सेयंबराण वयणं करिस्समहं ॥१०६॥
इय आउच्छिय सयणे, रुयमाणे कोवणे य जिणधम्ममे । जिणिस्सरस्सरिसमीवं, सोहणनामा दिओ पत्तो ॥१०७॥
सावन्नं भणइ गुरुं, पिउंसंधासायरं तरिउकामो । पवणतणउव्व पत्तो, ता करणिजं समाइससु ॥१०८॥
सूरीवि कहइ अम्हं, हढेण नहु हुंति धम्मकम्माइं । किंपुण नियमणभावणवसेण जायंति सहलाइं ॥१०९॥

१ शल्यमिघ । २ मदकलैर्हस्तिभिः । ३ प्रतिज्ञा । ४ हनुमानिव ।

पंडिअधण-
वालकहा ।
॥ १० ॥

ता पढमं सुणसु तुमं, जिणागमं जाणिउं च तस्सत्थं । जइ भवसायरतरणे, मई हवे ता गहसु दिक्खं ॥११०॥
अन्नह सगिहे वच्चसु, इय वयणामयरसेण संसित्तो । विज्झायकुग्गहग्गी, सो विप्पो सूरिपासंमि ॥१११॥
जह जह जिणमयसत्थाइ पढइ पुव्वावराविरुद्धाई । तह तह मिच्छत्तं परिगलेइ तुहिणुव्व रविउदण ॥११२॥ (जुयलं)
लद्धट्ठो गहियट्ठो, विणिच्छियट्ठो य मुणियपरमत्थो । आपुच्छिऊण गुरुणो, स सोहणो लेइ पवज्जं ॥११३॥
सङ्गहियदुविहसिक्खो कुणइ तिव्वतवचरणं । पढियसुओ कविचक्के, स चक्कवट्ठित्तणं पत्तो ॥११४॥
अह निवभोयसहाए, कलाकलावेण विजियविबुहेणं ! धणपालेणं पत्ता, कित्ती मुत्तिव्व सोमस्स ॥११५॥
तत्तो तेण सहोयरविरहाउरमाणसेण विप्पेणं । नियदेसंमि निसिद्धो, बारसवरिसे जइपवेसो ॥११६॥
तदेसवासिसावयपरमभत्थणसेण मुणिवइणो । सयलागमपारीणं, सोहणसाहुं पुरो काउं ॥११७॥
मालवदेसंमि बहिं धारानयरीइ जाव वचंति । तो दट्ठुं धणपालो, वंधुमनाऊण इय हसइ ॥११८॥ (जुगलं)
गहहदंत ! नमो ते, भदंत ! तह सोहणोऽवि तं भणइ । कविवसणवयण ! संपइ, वयंस ! तुइ अत्थि सुहमणहं ॥११९॥
तो धणपालो चितइ, जित्तोऽहमणेण पयडवयणेणं । वाओ नणु सलहिज्जइ, रिउणो विहु अवसरे दिन्नो ॥१२०॥
तत्तो तेणं भणिया, कस्स भविस्सह तुमित्थ पाहुणया ? । सोहणमुणी पयंपइ, तुम्हाणं चेव बुद्धाय ! ॥१२१॥
तो लहुबडुयं सह पेसिऊण नियमंदिरस्स पासंमि । संठावइ सूरिवरे, स जङ्गमे पुण्णकप्पदुमे ॥१२२॥
परियणसहिओ सूरिं, सोहणबंधवसिणेहओ भणइ । धणपालो मह गेहे, गिण्हह असणाइयं सव्वं ॥१२३॥

पंडिअधण
वालकहा ।
॥ ११ ॥

तो ते भणंति पंडिय !, एगगिहे नेव कप्पए भिक्खा । सिवसासणंमि जिणसासणेऽवि सा जेण पडिसिद्धा ॥१२४॥
उक्तञ्च-भजेन्माधुकरिं वृत्तिमपि म्लेच्छकुलादपि । एकान्नं नैव भुञ्जीत, बृहस्पतिसमादपि ॥१२५॥
महुकारसमा बुद्धा, जे हवंति अणिससिया । नाणापिंडरया दन्ता, तेण वुचंति साहुणो ॥१२६॥
इय तव्वयणं कप्पिय भिक्खागहणे परम्मुहं नाउं । रंजियहियओ सगिहं, गंतूण भणेइ नियभजं ॥१२७॥
तुम्हेहिं परिसुद्धो, आहारो सोहणस्स मुणिवङ्गो । भत्तिभरनिभराहिं, दायव्वो पणयनिरयाहिं ॥१२८॥
अह भिक्खाए पत्तो, नयंसिओ सोहणो मुणी ताहिं । पडिलाभिऊण भणिओ, भिक्खट्ठा इज्ज निचंपि ॥१२९॥
तेसिं बोहनिमित्तं, स महप्पा सुद्धमेव आहारं । लित्तो तिदिवसदहियं, न य गिण्हइ विज्जमाणंपि ॥१३०॥
धणपालेणं हसिओ, तुम्ह गुरूणं न रुचए अम्भं । तिदिवसदहियं तेणं नो गिण्हह महुररसिया जं ॥१३१॥
तं पइ जंपइ सोऽविहु, साहू अम्हाण विवुह ! सिद्धंते । भणियं तिदिवसदहियं, 'जियसंसत्तं तओ चइमो ॥१३२॥
तो धणपालो जंपइ, अहो अहो दंभविलसियमिमेसिं । जं दहियंपिहु 'पूयरयसंकुलं वज्जरंति हहा ॥१३३॥
माहिक्खेवं पुणरवि, भणेइ सो नियगुरूण साहेसु । चिंतिज्जसु इत्थत्थे, उत्तरमेहामि मज्झण्हे ॥१३४॥
तेण दहिभायणं तं, तहेव संठावियं तओ स मुणी । गंतूणं गुरुपुरओ, भणेइ तव्वइयरं सव्वं ॥१३५॥
अह विहियभोयणो सो, धणवालो बहुजणेण संजुत्तो । पत्तो सूरिसगासं, बुद्धिवलेणं जिणिउकामो ॥१३६॥

१ जीवसंसकृतम् । २ पोरा इति भाषायाम् ।

पंडिअधण-
वालकहा ।
॥ १२ ॥

पुच्छेइ दहिसरुवं, अतुच्छमिच्छत्तमुच्छिओ एस । स्वरिं सोऽवि पयंपइ, हुंति हु संमुच्छिमा जीवा ॥१३७॥
जओ भणियमागमे-मुग्गमासाइपभिई, विदलं कच्चंमि गोरसे पडइ । ता तसजीवुप्पत्ती, भणंति दहिएवि तिदिणुवरिं ॥१३८॥
तं सुणिय भणइ विप्पो, विलग्गपेउव्व धूणिऊण सिरं । अहह असंबद्धपलाविराण किं भन्नए एसिं ? ॥१३९॥
तप्पच्चसत्थमाणाविऊण तं दहियभायणं गुरुणो । ठावंति तवणतेए, अलत्तवडियं मुहे दाउं ॥१४०॥
तिव्वायवसंतत्ता दहिगयसत्ता समंतओ चलिउं । चडिया लत्तयवडियं, सुसीयलं जीवियव्वकए ॥१४१॥
ते पासिऊण जीवे, धणपालो चितए नियमणंमि । अहह अहो जिणधम्मो, धम्मेषु अवितहो एस ॥१४२॥
जत्थेरिसया भावा, अरहंतेणं सयं समुल्लविया । ता एसच्चिय धम्मो, पमाणभूओ किमन्नेहिं ? ॥१४३॥
इय तस्स मणवणाओ, मिच्छतुम्मत्तकरिवरो नट्ठो । ^१सम्मत्तहरी सहसा, तत्थ पविट्ठो अइगरिट्ठो ॥१४४॥
धन्ना ते जियलोए, जे जिणधम्मंमि उज्जुया सययं । ते उण वयं अधन्ना, सुविणोवि न जेहिं सो दिट्ठो ॥१४५॥
इय चित्तिऊण नमिऊण, गुरुपए विन्नवेइ धणपालो । भयवं ! कहसु रहस्सं, धम्मस्स तओ गुरु आह ॥१४६॥
धम्म सुच्चि सचराचरि जीवह दयसहिओ, सो गुरुवि घरघरिणिसुरयसंगमरहिओ ।
उज्झियविसयकसाउ देउ जो मुक्कमलु, एहु लहुय ^३रयणत्तउ चित्तियदिन्नफलु ॥१४७॥
सविसेसं इय वयणामएण सित्तस्स तस्स चित्ताओ । मिच्छत्तविसो नट्ठो, जह न पविट्ठो पुणो तंमि ॥१४८॥

१ अलतो इति भाषायाम् । २ सम्यक्त्वसिंहः । ३ रत्नत्रयम् ।

॥ १२ ॥

पंडिअधण-
वालकहा ।
॥ १३ ॥

देवगुरुधम्मतत्तं, तत्तो सो मुणिय चित्थं हहाहं । हिंसादोसमलीमससत्थग्गहणे क्हं नडिओ ? ॥१४९॥
तत्तो गुरूण पासे, दंसणमूलाइं बारस वयाइं । परियणमहिओ गिण्हइ, धणपालो परमभावेणं ॥१५०॥
आजम्मं जिणसासणदेवगुरू मुत्तु नेव वण्णेमि । परतित्थिआण देवे, अभिग्गहो तेणिमो गहिओ ॥१५१॥
तत्तो कम्मप्पयडिप्पमुहे सत्थे सुदुग्गमत्थेऽवि । लीलाइ मइवलेणं, संगहइ सुगुरुवयणाओ ॥१५२॥
रोमंचियगतो सो, अणन्नचित्तो जिणिदपयकमलं । पइदियहं तिक्कालं, पूइवि एवं भणइ पच्छा ॥१५३॥
कतिपयपुरस्वामी कायव्ययैरपि दुग्गहो, मितवितरिता मोहेनाहो मयाऽनुसृतः पुरा ।
त्रिभुवनगुरुर्बुद्धाराध्योऽधुना स्वपदप्रदः, प्रभुरधिगतस्तत्प्राचीनो दुनोति दिनव्ययः ॥१५४॥
सव्वत्थ अत्थि धम्मो, जा मुणियं जिण ! न सासणं तुम्ह । कणगाउराण कणगुव्व ससियपयमलभमाणं ॥१५५॥
एवं जिणवरपवयणपभावणाए सया कयमइस्स । पक्खालियपावमलस्स तस्स वचंति दियहाइं ॥१५६॥
अन्नदिवसंमि राया, हयगयपाइक्कपण्डियसमेओ । वागुरियगिद्धमण्डलकलिओ मिगयाइ संचलिओ ॥१५७॥
उच्चुच्चंणपयाहिं, पलायमाणं भएण मयमिहुणं । दट्ठुण चोइयहओ, सरेण राया हणइ हरिणं ॥१५८॥
तम्मि पडिएऽवि हरिणिं, तट्ठाणाओ पयंपि अचलंति । दट्ठुं राया पिक्खइ, कइणो तो ते भणंति इमं ॥१५९॥
अ भोजे मृगयागतेऽपि सहसा चापे समारे पितेऽप्याकर्णान्तगतेऽपि लक्षनिहितेऽप्येणाङ्गलयेऽपि च ।

१ कर्मप्रकृतिप्रमुखान् । २ तोदितद्वय ।

पंडिअधण-
वालकहा ।
॥ १४ ॥

न व्रस्तं न पलायितं न चलितं नो जृम्भितं नोऽस्तुनं, मृग्या मद्वशिनं करोति दयितं कामोऽयमित्याशया ॥१६०॥
अपिच—किं कारणं तु कविराज ! मृगा यदेते, व्योमोत्पतन्ति विलिखन्ति भुवं वराहाः ? ।
देव ! त्वदस्त्रचकिताः श्रयितुं स्वजातिमेके मृगाङ्कमृगमादिवराहमन्ये ॥१६१॥
इय कवियणकयवन्नणमायन्निय भोयरायमहिनाहो । नियपुरओ सयलंपिहु, तिणं व मन्नेइ भुवणयलं ॥१६२॥
एगं सुविसन्नमणं, करुणारससायरं निएऊणं । धणपालं भणइ निवो, किं न हु वन्नसि ? स तो पढइ ॥१६३॥
रसातलं यातु यदत्र पौरुषं, कुनीतिरेषाऽशरणो ह्यदोषवान् । प्रहन्यते यद्वलिनाऽतिदुर्बलो, हहा महाकष्टमराजकं जगत् ॥१६४॥
इय भच्छणवयणेणं, कोवा अंविमहुो महीनाहो । तं पुच्छइ किं एयं ? सो विवुहो भणइ सुगु राय ! ॥१६५॥
वैरिणोऽपि हि मुच्यन्ते, प्राणान्ते तृणभक्षणात् । तृणाहाराः सदैवैते, हन्यन्ते पशवः कथम् ? ॥१६६॥
इय सुणिय जायकरुणो, भंजिय बाणासणं च बाणं च । आजंमं भिगयाए, नियमं गिण्हेइ भोयनिवो ॥१६७॥
तत्तो चलिओ करुणारसिओ सरसाहिवो पुराभिमुहं । थंभनिंयड्डियछागं, जन्नस्स य मंडवमुवेइ ॥१६८॥
तत्थ भयवेविरंगं, छागं विरसंतमइतरं करुणं । राया पिक्खिवि पुच्छइ, पण्डिय ! किं एस बुब्बुयइ ? ॥१६९॥
अवसरवेई निवबोहणाय सच्चं स पंडिओ भणइ । मरणभयकंपिरतणू, छागो एवं बयइ देव ! ॥१७०॥
नाहं स्वर्गफलोपभोगतृषितो नाभ्यर्थितस्त्वं मया, सन्तुष्टस्तृणभक्षणेन सततं साधो ! न युक्तं तव ।

पंडिअधण-
बालकहा ।
॥ १५ ॥

स्वर्गो यान्ति यदि त्वया विनिहता यज्ञे ध्रुवं प्राणिनो, यज्ञं किं न करोषि मातृपितृभिः पुत्रैस्तथा बान्धवैः ? ॥१७१॥
एयव्वयणायन्नणसमणंतरमेव राइणा पुट्ठो । विबुहो सुइसंवायं, कहित्तु निवइं विवोहेइ ॥१७२॥
यूपं छिच्चा पञ्चन् हत्वा, कृत्वा रुधिरकर्दमम् । यद्येवं गम्यते स्वर्गो, नरके केन गम्यते ? ॥१७३॥
सत्यं यूपं तपो ह्यग्निः, प्राणाः समिधयो मम । अहिंसामाहुतिं दद्यादेष यज्ञः सनातनः ॥१७४॥
सत्थाणुवाइवायाइ, रञ्जिओ रक्खसुव्व मन्नन्तो । जन्नस्स कारिणो तो, राया वन्नेइ जिणसमयं ॥१७५॥
तो साणन्दो साहइ, तं राया दयनिहीवि जिणधम्मो । नो रुचइ अन्नेसिं, को हेऊ ? तत्थ सो भणइ ॥१७६॥
हिंसा त्याज्या नरकपदवी सत्यमाभाषणीयं, स्तेयं हेयं सुरतविरतिः सर्वसङ्गाभिवृत्तिः ।
जैनो धर्म्मो यदि न रुचितः पापपङ्कावृत्तेभ्यः, सर्पिर्दुष्टं किमलमियता यत्प्रमेही न शुद्धे ॥१७७॥
सरसइकंठाहरणे, सिवपासाए निवेण कारविए । कइयावि महीनाहो, धणपालजुओ गओ तत्थ ॥१७८॥
वन्नइ नाणं सो जिणमयंमि अच्चब्भुयं तओ रण्णा । वुत्तं अज्जवि किंचिवि, अत्थि नवा 'नाममित्तं वा ? ॥१७९॥
तो भणइ सोऽवि नरवर !, नाणं अत्थित्थ केवल्लिप्पणीए । अरहंतसिरीचूडामणिगंथे अइसयपसत्थे ॥१८०॥
तीआणागयसंपइपवट्टमाणेण सव्ववत्थूणं । नाणं अइप्पमाणं, परूवियं तत्थ सुमुणीहिं ॥१८१॥
तस्स कलंकारोवणकए निवो भणइ पंडिय ! कहेसु । त्तिदुवारमंडवाओ, केण पहा निग्गमिस्समहं ? ॥१८२॥

१ नाममात्रम् ।

॥ १५ ॥

पंडिअधण
वालकहा ।
॥ १६ ॥

तो धणपालो आणा-विऊण पण्हं वियारिऊण तयं । बुद्धिअवंचेण फुडं, फलं च लिहिऊण पत्तम्मि
मद्धियमयगोलब्भंतरंमि खिविऊण थगियधारिस्स । तं दाऊणं साहइ, पायं अवधारसु धरेस !
चित्तइ निवोऽवि एवं, इमेण तिदुवारमंडवाउ मह । एगेण दुवारेणं, निग्गमणं नियमओ लिहियं
ता तह करेमि जेणं, एयं गुरुदेवआगमेहिं समं । नाणविसंवायाओ, असच्चवाइत्ति धरिसेमि
आणविय सुत्तधारे, पउमसिलं मंडवस्स अवणेउं । मग्गेण तेण राया, नीहरिउं वायए पत्तं
सिरिभोयरायराया, कवडेणुग्घाडिऊण पउमसिलं । उडुपहेणं तह मंडवाउ सिद्धुव्व नीसरिही
सच्चं तं तव्वयणं, जाणिय राया मणंमि परितुडो । जिणमासणं पसंअइ, सारं सव्वेसु धम्मेषुं
अह सिवसिरिपरिरंभणसरंभमई कई स धणपालो । रिसहेसरगुणवन्नणउणं पंचासियं कुणइ
तं उकरिय सिलाए, ठाविय निवकारियंमि पासाए । सरसइकंठाहरणे, तत्तो वन्नइ निवं एवं
अभ्युद्धता वसुमतां दलितं रिपूरः, क्रोडीकृता बलवता बलिराज्यलक्ष्मीः ।
एकत्र जन्मनि कृतं तदनेन युना, जन्मत्रये यदकरोत्पुरुषः पुराणः
नियवन्नणमिममायणिऊण परिओसपोसओ राया । रिसहथुइपड्डियाए, उवरिं ठावेइ मणिक्कलसं
अन्नदिणे सिवभवणे, दुवारदेसे निएवि भिंणिगणं । किं एस दुब्बलो ? इय, निवगुडो भणइ धणपालो
दिग्वासा यदि तत्किमस्य धनुषा ? तच्चेत्कृतं भस्मना, भस्माथास्य किमङ्गना यदि च सा कामं प्रति द्वेष्टि किं ? ।

॥१८३॥
॥१८४॥(जुयलं)
॥१८५॥
॥१८६॥
॥१८७॥
॥१८८॥
॥१८९॥
॥१९०॥
॥१९१॥
॥१९२॥
॥१९३॥
॥१९४॥

॥ १६ ॥

इत्यन्योऽन्यविरुद्धचेष्टितमहो पश्यभिजस्वामिनो, भृङ्गी सान्द्रसिरावनद्धपरुषं धत्तेऽस्थिशेषं वपुः	॥१९५॥
तत्तो पुरओ पिकखद, सहत्थतालं हसंतयं रूवं । रंइमयणाणं राया, सविम्हओ पुच्छइ बुहं तं	॥१९६॥
किं कारणमेएसि, एवं हासो समंतओ फूरइ ? । तो आह कई निमुणसु, कण्णं दाऊग वरनाइ !	॥१९७॥
स एस भुवनत्रयप्रथितसंयमः शङ्करो, विभक्तिं षण्णुवाऽधुना विहकातरः कामिमीम् ।	
अनेन किल निर्जिता वयमिति प्रियायाः करं, करेण परिताडयन् जयति जातहासः स्मरः	॥१९८॥
अट्ठंगणामेणं, सिवं नमेऊग भोयरायनिवो । जंइ क्रीसरं पइ, तं किं न नमेसि तिपुरारि ?	॥१९९॥
धणपालोऽविहु चित्ते, वयणेणवि अन्नदेवसंथरणं । न कुणेमि जिणं मुत्तुं, इय चित्ति य नरवरं मणइ	॥२००॥
जिनेन्द्रचन्द्रप्रणिपातलालसं, मया शिरोऽन्यस्य न नाम नाम्यते । गजेन्द्रगण्डस्थलदानलम्पटं, शुनीमुखे नालिकुलं नीलीयते ॥२०१॥	
इय असमंजसवयणं, तस्स सुणेऊग सम्मदिट्ठिस्म । रो तमहुगगभुयंगमडसिओ इय चित्तेइ नरिंदो	॥२०२॥
एस अवज्झो विप्पियभासी अम्हं सिवाइदेवाणं । विप्पुति तओऽवि धुवं, नयगविहीणो विहेयव्वो	॥२०३॥
इय रायाभिप्पायं, सुविरुद्धं जाणिऊग धणपालो । चिन्तइ नियमब्भंसं, कुणेमि नाहं जुगंतेऽवि	॥२०४॥
राया नीहरिउं देउलाउ गच्छंतओ पहे नियइ । एगं बुद्धिं बुद्धुत्तणेण सीसं पक्कम्पंति	॥२०५॥
तत्तो सहयरविबुहा, तीए सिरकंपकारणं पुट्ठा । किंचिवि वण्णंताविहु, ते निवचितं न रंजंति	॥२०६॥

पंडिअधण-
बालकहा ।
॥ १८ ॥

तत्तो अजंपिओऽविहु, धणपालो अवसरुत्ति विन्नवइ । देव ! इमीए सिरकंपकारणं पसिय निसुणेसु ॥२०७॥
किं नन्दी किं मुरारिः किमु रतिरमणः किं विधुः किं विधाता, किं वा विद्याधरोऽयं किमु न सुरपतिः किं नरः(लः) किं कुबेर !
नायं नायं न चायं न खडु नहि न वा नैव नासौ न चासौ, क्रीडां कर्तुं प्रवृत्तः स्वयमिह हि हले ! भूपतिर्भोजदेवः ॥२०८॥
इय धणपालमहाकविवण्णवयणामयस्स पागाओ । धाराहिरायमणओ, पविलीणो रोसकणिगरलो ॥२०९॥
विहसियवयणो राया, वरं वरेसुत्ति पंडियं वयइ । पडिभणइ सोऽवि नरवर !, नयणजुयं पसिय मह देसु ॥२१०॥
तध्वयणं पडिवज्जिय, वज्जिअपावस्स तस्स धम्मिस्स । दाऊण विधिहकणयं, सण्णयं पेसए राया ॥२११॥
अह एगया नरिंदं, पंडियसामंतमंतिपरिकलियं । नियपरिसाइ निविट्ठं, पडिहारो नमिय विन्नवइ ॥२१२॥
देव ! दुवारे विट्ठइ सिट्ठी पोयाओ आगओ दट्ठुं । अहिलसइ कोऽवि तुम्हं, चलणे को इत्थ आएसो ? ॥२१३॥
आणेसुत्ति निवेणं, भणिए तेणावि आगिओ सिट्ठी । सिरिधरियकरयलजुओ, पणमेइ नरिंदपयउमं ॥२१४॥
नरवरदावियआसणउवविट्ठो सोऽवि दंसइ निवस्स । मयणमयपट्टियाठियपसत्थिवित्ताणि वित्ताणि ॥२१५॥
भूवइणा सो पुट्ठो, कत्थ तुमेहिं इमाणि पत्ताणि ? । सिट्ठीवि भणइ सामिय !, अवधारसु मइ पमन्नमणो ॥२१६॥
जलहिम्मि अकम्हा पवहणम्मि खलियंमि मज्झ मग्गम्मि । निज्जामएहिं सोहिज्जमाणए गिरिवं सिवभवणं ॥२१७॥
सलिलंतरंमि पत्तं, तब्बिभत्तीएवि एगदेसंमि । अकखरपंती दिट्ठा, लिहियाउ अपुव्ववण्णेहिं ॥२१८॥ (जुयलं)

१ 'सो रायाएसेणं समागओ नमिय दसए तत्थ । मयणमयपट्टियाठियपसत्थिवित्ताणि वित्ताणि' इति प्रत्यन्तरे । २ माणय तत्थ सिव० प० ।

पंडिअधण-
वालकहा ।
॥ १९ ॥

अक्खरगहणनिमित्तं, मयणमया पड्डिया मए ठविउं । संकंतवन्नया सा, उवणीया तुम्ह पासंमि
रायावि तीइ पिढे, मड्डियमयपड्डियं निवेसित्ता । समअक्खराणि काउं, पण्डियलोयाओ वाएइ
आवाल्याधिगमान्मयैव गमितः कोटिं परामुन्नतेरस्मत्संकथयैव पार्थिवसुतः सम्प्रत्ययं लज्जते ।
इत्थं खिन्न इवात्मजेन यशसा दत्ताऽवलम्बोऽम्बुवेर्यातस्तीरतपोवनानि तपसे वृद्धो गुणानां गणः
देवे ! दिग्विजयोद्यते धृतधनुःप्रत्यर्थिसीमन्तिनीवैधव्यव्रतदायिनि प्रतिदिशं क्रुद्धे परिभ्राम्यति ।
आस्तामन्यनितम्बिनी रतिरपि त्रासान्न पौष्पं करे, भर्तुर्धर्तुर्मदान्मदान्धमधुपी नीलीनिचोलं घनुः
चिन्तागम्भीरकूपादनवरतचलद्भूरिशोकारघट्ट-व्याकृष्टं निश्चसन्त्यः पृथुनयनघटीयन्नमुक्ताश्रुधारम् ।
नासावंशप्रणालीविषमपथपतद्भाष्पपानीयमेतद्देव ! त्वद्वैरिनार्यः स्तनकलशयुगेनाविरामं वहन्ति
अथ खलु विषमः पुराकृतानां, भवति हि जन्तुषु कर्मणां विपाकः ।
राया खण्डियमेयं कव्वं नाऊण पण्डियजणाओ । पूरवइ परं चित्ते, अत्थो न चमक्कए तस्स
धणपालं पइ जंपइ, तो राया किं इमं न पुरेसि ? । सोऽवि भणइ पयजुयलं, एअं सुइभूसणं कुणसु
हरशिरसि शिरांसि यानि रेजुहरिहरितानि लुठन्ति गृध्रपादैः
सचमुकारं राया, जंपइ संवयइ एम चेवत्थो । तो विच्छाया अन्ने, विबुहा वज्जाहया जाया

॥२१९॥

॥२२०॥

॥२२१॥

॥२२२॥

॥२२३॥

॥२२४॥

॥२२५॥

॥२२६॥

॥२२७॥

॥ १९ ॥

पंडिअधण-
बालकहा ।
॥ २० ॥

जइ रामेसरमिस्तिमि, एरिसो एस नो हवे 'गुम्फो । आजम्मं सन्नासो, कवित्तकरणंमि ता मज्झ
इय धणपालपइन्नं, आयणिय तक्खणा धरणिनाहो । निजामए पवेसइ, वहणारूढे जलहिमज्जे
तेहिंवि छम्मासेहिं, तहेव लहिऊण आणित्तं दिन्नं । वायंति तयं विउसा, सामरिसा तम्मि धणपाले
तं खंडकवउत्तरपयजुयलं तारिसं 'नियवि तत्थ । धगकणयदाणपुव्वं, पसंसए पण्डियं राया
कइयावि निययसेवाविमुहं दट्ठूण तं भणइ भूवो । कीस दुवेलं न सहं, मह मण्डह ? पंडियवयंस !
सो जंपइ भूवासव !, पारद्धा अत्थि भरहरायकहा । गुंफेउमओ तुम्हं, सेवावसरस्म नावपरो
रायाऽऽह मं सुणावसु, सिसिरनिसापच्छिमंमि जामंमि । सो समओ रमणीओ, जओ अभावाउ कजाणं
सो निवसंसियसमए, तं वाएउं पयट्ठए निच्चं । रायाऽवि सेसइंदियवावारं चइय निमुणेइ
तइया पुत्थयहिट्ठा, सुवण्णथालं कचोलयसणाहं । ठावेइ निवो मा पुण, एस रसो जाउ अन्नत्थ
सालंकारा लक्खणछंदजुया महरसा सुवन्नसुई । कस्स न हरेइ हिययं ?, कहुत्तमा तरुगरमणिव्व
हीसे विचित्तकवियाचित्तियचित्तो नराहियो भणइ । पंडिय ! इह मह भणियं, कुगेसु मुंवेसु कुवियप्पं
मं इह कहाहिरायं, विणीयनयरीपयंमि उज्जेणिं । सक्कावयारठाणे, महकालं जइ निवेसेसि
ता तुह गरुयं माणं, धणं च मणइच्छियं पयच्छेमि । इय भणिरे ओ मनिवे, धणपालो चित्तए एवं

॥२२८॥
॥२२९॥
॥२३०॥
॥२३१॥
॥२३२॥
॥२३३॥
॥२३४॥
॥२३५॥
॥२३६॥
॥२३७॥
॥२३८॥
॥२३९॥
॥२४०॥

पंडिअधण-
वालकहा ।
॥ २१ ॥

जं मह जिणपथपंकयआराहणओ न होइ मणइट्ठं । तेणं नहु मह कज्जं, इह विप्पो रायमक्खिवइ ॥२४१॥
जह रंक्वासवाणं, जह जुइरिंगणसहस्मकिरणणं । जह सरिमवमेरूणं, जह छिल्लरखीरसिंधूणं ॥२४२॥
जह धत्तूरसुरेसरतरूण जह कायदेवरयणणं । तह तुह तेसिं अंतरमत्थि भणंतो पढइ एवं ॥२४३॥
दोमुहय ! निरक्खर ! लोहमइयनाराय ! कित्थियं भणिमो ? । गुंजाहिं समं कणयं, तुलंतु न गओऽसि पायालं ॥२४४॥
इय नियनिदादारुणवयणकसाए हरिव्व आहणिओ । कोवायंबिरनित्तो, मूलपइं खिवइ सो दहणे ॥२४५॥
अह महनिव्वेयपरो, आवेउं सगिहपच्छिमे भागे । ^३जुन्नयमंचयपडिओ, धणपालो चितए एवं ॥२४६॥
पुणरवि कहमेईए कहाइ कवणं करिस्समेरिसयं ? । हा कह दुट्ठनिवेणं, खेयसमुदंमि पक्खित्तो ॥२४७॥
नीसासे दीहरए, मुंचंतो चत्तअवरवावारां । तो तिलयमंजरीए, दिट्ठो पुट्ठो य तत्थ पिया ॥२४८॥
तेणवि तीइ सुयाए, पुरओ दुक्खस्स कारणे कहिये । साविहु भणेइ मा ताय ! खेयमुव्वहसु इह कज्जे ॥२४९॥
एयं कहारहस्सं, मणफलए मज्झ अत्थि संकंतं । ता ताय ! पसिय उट्ठसु निट्ठवसु मणाउ निव्वेयं ॥२५०॥
तो धणपालो तुट्ठो, उट्ठिय ण्हाऊण ण्हविय जिणरायं । भुंजिय तीए मुहाओ, लिहावए तं कहारयणं ॥२५१॥
सा तिलयमंजरिकहा तन्नामेणं जणंमि विक्खाया । सहयारमंजरी इव, बुहमहुयरसेविया जाया ॥२५२॥
रायपराभवरुट्ठो, धणपालो उज्झिऊण त रज्जं । सच्चरिओ सच्चउरे, संपत्तो पत्तबहुमाणो ॥२५३॥

१ खद्योत० । २ मूलप्रतीम । ३ जीर्णक० ।

पंडिअधण-
वालकहा ।
॥ २२ ॥

तम्मि समयम्मि धम्मो, वाई उज्जेणिमागओ नयरिं । भोयनिवविबुहनिवहे जिणितु गजेइ सिंहुव्व ॥२५४॥
तत्तो विसन्नचित्तो, चित्तइ राया हहा ममावि सहा । धणपालदिणयरेणं, विणा तमेणं विलुत्तपहा ॥२५५॥
तो तस्साणणहेउं, पहाणपुरिसा निवेण पट्टविया । तेणवि इय लिहिऊणं, पच्छा संपेसिया ते उ ॥२५६॥
पृथुकार्त्तस्वरपात्रं, भूषितनिशेषपरिजनं देव ! । विलसत्करेणुगहनं, सम्प्रति सममावयोः सदनम् ॥२५७॥
आगंतूणं राया जइ मं मन्नावए तओ अहयं । आगच्छामि न इहरा मणंमि भो ! एस नियमो मे ॥२५८॥
तत्तो सयं नरिंदो गन्तुं विबुहं बहुत्तिजुत्तीए । परितोसिय परिपोसिय धणेण आणेइ अप्पसभं ॥२५९॥
तं कविरायं भूवइ-परिसाइ ठियं अयाणमाणो सो । रयणीसमए धम्मो, सगव्वमेवं वयइ वयणं ॥२६०॥
श्रीच्छित्तपे कर्दमराजपुत्रे, सभ्ये सभाभर्त्तरि भोजदेवे । सारस्वते श्रोतसि मे प्लवन्तां, पलालकल्पा धनपालवाचः ॥२६१॥
तं सुणिऊणं खंडइ, तव्वयणं पंडिओ अखंडमई । हे धणपआ(ला)लवाया, मह सारसए दुयं जंतु ॥२६२॥
तज्जाणवणनिमित्तं, धणपालं भणइ भोयदेवनिवो । पंडियसेहर ! पूरसु एयं मह पुच्छियसमस्सं ॥२६३॥
इयं व्योमाम्भोधेस्तटमनु जवात् प्राप्य तपनं, निशानौर्विश्लिष्यद्घनघटितकाष्ठा विघटिता ।
तओ पण्डिण वज्जरियं । वणिकूचक्रानन्दत्विषि शकुनिकोलाहलबले, इमास्ताराः सारास्तदनु च निमज्जन्ति गिरयः ॥२६४॥
तो धम्मवाइराओ, धणपालं आगयं वियाणित्ता । पवणेण व वारिनिही, संखुद्धो चित्तई एवं ॥२६५॥
चइऊणं धणवालं, इकं वायंमि तुह जओ होही । इय सरसईइ वयणं, सरिउं रयणीइ सो नट्टो ॥२६६॥

पंडिअधण-
वालकहा ।
॥ २३ ॥

जाए पभायसमए, तस्स जयत्थं सहागओ विउसो । तच्चरियं नाऊणं, रायसमक्खं पढइ एवं ॥२६७॥
धम्मो जयति नाधर्म, इत्यलीकं कृतं वचः । इदं तु सत्यतां नीतं, धर्मस्य त्वरिता गतिः ॥२६८॥
मिच्छत्तिसुराईणं, न कवित्तं पावकारणं कुणइ । वण्णंतो जिणचंदं, वयणविसुद्धिं समुक्कसइ ॥२६९॥
सम्महंसणपुव्वं, सम्मं पालित्तु सावयवयाइं । जिणिउं व गओ सग्गं, धणपालो देवरायगुरुं ॥२७०॥
एव सुणेउं धणपालवित्तं, संमत्तसंसत्तिमहापवित्तं । वायाविसुद्धिं भविया कुणेह, जहा लहुं सिद्धिसुहं लहेह ॥२७१॥

इअ वयणविसुद्धीए धणवालपंडिअकहा ॥

સહાયકોના નામો

- ૨૬) શ્રી સુરત (વડાયોટા) સંવેળી મોટો ઉપાશ્રય
૧૫) શાહ ખાતે હા. શા. સુરચંદભાઈ પુરુષોત્તમદાસ બદામી
૧૩) શાહ કીકાભાઈ સકલચંદ સરૈયા
૮) શાહ ઉત્તમચંદ હેમચંદ રેશમી કાપડવાળા
૫) શાહ નવલચંદ હરખચંદ લાકડાવાળા

—: પ્રાપ્તિસ્થાન :—

શાહ કેશવલાલ પ્રેમચંદ કંશારા

૬૦ બજાર, મુઠ બંભાત બંદર (વાયા આણંદ)

ઉપરના ઠેકાણુ દોઢ આનાની ટીકીટ મોકલવાથી એક પ્રત પોસ્ટથી મળશે.

